

গণপ্রজাতন্ত্রী বাংলাদেশ সরকার
মৎস্য অধিদপ্তর, বাংলাদেশ
আইসিটি শাখা
মৎস্য ভবন, রমনা, ঢাকা।

মৎস্য অধিদপ্তরের ইনোভেশন টিমের সদস্যগণের অংশগ্রহণে ফেব্রুয়ারি/২০১৮ খ্রিঃ তারিখের ইনোভেশন সভার কার্যবিবরণী।

সভাপতি	: মোঃ মনোয়ার হোসেন
	: উপপরিচালক (অর্থ ও পরিকল্পনা) এবং ইনোভেশন অফিসার
সভার তারিখ	: ২৭/০২/২০১৯খ্রি.
সভার সময়	: সকাল ৯.০০ ঘটিকায়
স্থান	: উপপরিচালক (অর্থ ও পরিকল্পনা) এর অফিস কক্ষ।

সভাপতি উপস্থিত কর্মকর্তাগণকে স্বাগত জানিয়ে সভার কাজ শুরু করেন। সভায় উপস্থিত কর্মকর্তাগণের তালিকা পরিশিষ্ট 'ক' তে সংযুক্ত আছে। সভায় নিম্নবর্ণিত বিষয়সমূহ নিয়ে আলোচনা ও সিদ্ধান্ত গ্রহণ করা হয়।

১। মাঠ পর্যায়ে ইনোভেশন কার্যক্রম পর্যালোচনা :

সভাপতি উপজেলা মৎস্য কর্মকর্তা(রিজার্ভ) ও সদস্য সচিব এর নিকট মাঠ পর্যায়ে ইনোভেশন কার্যক্রমের অগ্রগতি সম্পর্কে জানতে চান। উপজেলা মৎস্য কর্মকর্তা(রিজার্ভ) জনাব মোঃ বদিউল আলম সুফল সভায় জানান যে, ইনোভেশন কর্মপরিকল্পনা ২০১৮-১৯ এর লক্ষ্যমাত্রা/নির্ণায়ক অনুযায়ী কার্যক্রম চলমান রয়েছে। এখন পর্যন্ত মৎস্য অধিদপ্তরের ইনোভেশন বিষয়ক অবস্থান সন্তোষজনক বলা যেতে পারে। তবে, বার্ষিক উদ্ভাবন কর্মপরিকল্পনা অনুযায়ী কার্যক্রম সফলভাবে বাস্তবায়নের জন্য অন্যান্য শাখার সহযোগিতা প্রয়োজন।

২। মাঠ পর্যায়ের উদ্ভাবনী আইডিয়া আহ্বান এবং প্রস্তাবকৃত উদ্যোগ পর্যালোচনাঃ

উপজেলা মৎস্য কর্মকর্তা(রিজার্ভ) সভায় জানান যে, বার্ষিক উদ্ভাবন পরিকল্পনা ২০১৮-১৯ মোতাবেক ৪নং অনুচ্ছেদ অনুযায়ী মাঠ পর্যায়ের কর্মকর্তাদের নিকট হতে অনলাইনে উদ্ভাবনী ধারণা বা উদ্যোগ আহ্বান করা হয়েছিল। এতে ৯ জন উদ্ভাবকের সর্বমোট ১৬টি আইডিয়া পাওয়া যায়। তন্মধ্যে জনাব হাদিউজ্জামান, সহকারী পরিচালক, মৎস্য অধিদপ্তর, মৎস্য ভবন, ঢাকা কর্তৃক উদ্ভাবিত সিংগেল ড্রপ টাইট্রেশন পদ্ধতির মাধ্যমে পানির পিএইচ পরিমাপকরণ উদ্ভাবনী পদ্ধতির সঠিকতা যাচাই এর জন্য গত ০৩-০১-২০১৯ খ্রি. তারিখে বাংলাদেশ মৎস্য গবেষণা ইনস্টিটিউট, ময়মনসিংহে পাঠানো হয়। তার প্রেক্ষিতে গত ১৪-০২-২০১৯ খ্রি. তারিখে বাংলাদেশ মৎস্য গবেষণা ইনস্টিটিউট, ময়মনসিংহ থেকে সঠিকতা যাচাইপূর্বক প্রতিবেদন প্রেরণ করা হয়। উক্ত বিষয়টি মাঠ পর্যায়ে রেন্ডিকেশন করার ব্যাপারে উপজেলা মৎস্য কর্মকর্তা (রিজার্ভ) সভায় ইনোভেশন কমিটির সদস্যবৃন্দের মতামত চান।

৩. ইনোভেশন কর্মপরিকল্পনা অনুযায়ী কার্যক্রম পর্যালোচনাঃ

সদস্য সচিব সভায় জানান যে, মৎস্য অধিদপ্তরের ইনোভেশন কর্মপরিকল্পনার অনুচ্ছেদ ২.১ মোতাবেক ইনোভেশন টিমের সভা নিয়মিত অনুষ্ঠিত হচ্ছে এবং কর্মপরিকল্পনার ২.২.১ অনুচ্ছেদ মোতাবেক ইনোভেশন টিমের বিগত সকল সভার সিদ্ধান্তসমূহ বাস্তবায়ন হচ্ছে। এছাড়া ইনোভেশন সংক্রান্ত সকল কার্যক্রম সঠিকভাবে সম্পাদিত হচ্ছে।

৪. বিগত সভার সিদ্ধান্ত বাস্তবায়ন অগ্রগতি আলোচনা :

উপজেলা মৎস্য কর্মকর্তা (রিজার্ভ) সভায় জানান যে, বিগত ০৬/০৯/২০১৮ খ্রিঃ তারিখের ইনোভেশন টিমের সভায় ৪টি সিদ্ধান্ত গৃহীত হয়েছিল। সকল সিদ্ধান্ত বাস্তবায়িত হয়েছে মর্মে সদস্য সচিব সভাকে অবহিত করেন। ২০১৮-১৯ অর্থবছরে ক্রমপূঞ্জীভূত বাস্তবায়িত মোট সিদ্ধান্ত হলো ৩০টি।

৫. বিবিধ আলোচনা :

ক) উপজেলা মৎস্য কর্মকর্তা (রিজার্ভ) সভায় জানান যে, ৫ দিন ব্যাপী উদ্ভাবকগণের প্রশিক্ষণের জন্য মৎস্য ও প্রাণিসম্পদ মন্ত্রণালয় থেকে মৎস্য অধিদপ্তরের ৫ জন কর্মকর্তাকে মনোনয়ন দেয়া যাবে। উদ্ভাবন কর্মপরিকল্পনা অনুসারে বাকী ১৫ জনকে অতি দ্রুত প্রশিক্ষণের ব্যবস্থা করতে হবে অন্যথায়, বার্ষিক কর্মসম্পাদন সূচকে নম্বর কমে যাবে। উক্ত ৫ দিনের প্রশিক্ষণের বাজেট এবং সেশন প্ল্যান তৈরির জন্য জনাব সাধন চন্দ্র সরকার, সহকারী পরিচালক (আইসিটি শাখা) কে এটুআই এর সহিত আলোচনাপূর্বক পরবর্তী সভায় উপস্থাপন করার জন্য নির্দেশনা দেয়া যেতে পারে।

খ) মৎস্য অধিদপ্তরের উদ্ভাবনসমূহের রেল্লিকেশন ত্বরান্বিত করার প্রয়াসে ইনোভেশন খাতে বাজেট বৃদ্ধির জন্য উপযোজনের সময় প্রয়োজনীয় অর্থ বরাদ্দের জন্য বাজেট শাখায় যোগাযোগ করা হয়। উল্লেখ্য, বার্ষিক উদ্ভাবন পরিকল্পনার ১০.১.১ অনুচ্ছেদ মোতাবেক কমপক্ষে ৩৫ লক্ষ টাকা বরাদ্দ পেলে ১০০% অর্জিত হবে বলে উল্লেখ করা হয়। এ প্রেক্ষিতে, নিয়মিত পত্র প্রেরণ করে এ বিষয়ে কাঙ্ক্ষিত বরাদ্দ প্রাপ্তির জন্য চেষ্টা অব্যাহত রাখা যেতে পারে।

গ) সদস্য সচিব সভায় জানান যে, ইতিমধ্যে ৬ টি বিভাগের (চট্টগ্রাম, সিলেট, রাজশাহী, রংপুর, খুলনা ও বরিশাল) বিভাগীয় ও জেলা পর্যায়ের কর্মকর্তাদের ই-ফাইলিং প্রশিক্ষণ সম্পন্ন হয়েছে। এছাড়াও আগামী ২-৩ মার্চ, ২০১৯ খ্রি. তারিখে ঢাকা ও ময়মনসিংহ বিভাগের ই-ফাইলিং প্রশিক্ষণ অনুষ্ঠিত হবে। দ্রুততম সময়ের মধ্যে ই-প্রশিক্ষণ কার্যক্রম ৮টি বিভাগীয় দপ্তরে সম্পন্ন করায় সভাপতি মহোদয় ই-ফাইলিং প্রশিক্ষণের প্রশিক্ষকবৃন্দকে ধন্যবাদ জানান।


ঘ) উপজেলা মৎস্য কর্মকর্তা (রিজার্ভ) জানান যে, মন্ত্রিপরিষদ বিভাগ থেকে সেবা সহজিকরণ কেস স্টাডি বিষয়ক একটি বই সংকলনের নিমিত্ত আগামী ১৫/০৩/২০১৯ খ্রি. তারিখের মধ্যে মৎস্য অধিদপ্তরের রেল্লিকেটেড ই-সার্ভিসটির একটি কেস স্টাডি প্রস্তুতপূর্বক সমন্বয় ও সংস্কার বিভাগে পাঠাতে হবে। উপজেলা মৎস্য কর্মকর্তা কমিটির অন্যান্য সদস্যের সহযোগিতায় কেস স্টাডি প্রস্তুতপূর্বক ১৫/০৩/২০১৯ খ্রি. তারিখের মধ্যে মন্ত্রিপরিষদ বিভাগে পাঠানোর জন্য সভাপতি মহোদয় নির্দেশনা প্রদান করেন।

সভার উপস্থিত সদস্যগণ আলোচনান্তে নিম্নরূপ সিদ্ধান্ত গ্রহণ করেন।

সিদ্ধান্তসমূহ:

১. বার্ষিক উদ্ভাবন কর্মপরিকল্পনা অনুযায়ী কার্যাদি যথাসময়ে সম্পন্ন করতে হবে;
২. উদ্ভাবকগণকে নিয়ে ৫ দিনের ইনোভেশন বিষয়ক কর্মশালার আয়োজনের জন্য প্রশিক্ষণ শাখাকে পত্র দিবেন;
৩. ই-ফাইলিং সংক্রান্ত প্রশিক্ষণ অব্যাহত রাখতে হবে;
৪. ইনোভেশন কার্যক্রম পরিদর্শন অব্যাহত রাখতে হবে এবং
৫. সেবা সহজিকরণ সংক্রান্ত কেস স্টাডির ফরম্যাট পূরণপূর্বক মন্ত্রিপরিষদ বিভাগে প্রেরণ করতে হবে।

সভায় আর কোন বিষয়ে আলোচনা না থাকায় সভাপতি সকলকে ধন্যবাদ জ্ঞাপন করে সভার সমাপ্তি ঘোষণা করেন।



২৭/০৩/১৯
মোঃ মনোয়ার হোসেন
উপপরিচালক (অর্থ ও পরিকল্পনা)
ও
ইনোভেশন অফিসার

স্মারক নম্বর: ৩৩.০২.০০০০.১২৩.১৩.০০১.১৭-৮০

তারিখ: ১৫ ফাল্গুন ১৪২৫
২৭ ফেব্রুয়ারি ২০১৯

বিতরণঃ কাযার্থে (জ্যেষ্ঠতার ক্রমানুসারে নয়) :

- ১) যুগ্মসচিব (ব্লু-ইকোনমি) ও চিফ ইনোভেশন অফিসার, মৎস্য ও প্রাণিসম্পদ মন্ত্রণালয়;
- ২) মহাপরিচালক, মৎস্য অধিদপ্তর, মৎস্য ভবন, বাংলাদেশ, ঢাকা;
- ৩) উপপরিচালক, (অর্থ ও পরিকল্পনা), মৎস্য অধিদপ্তর, মৎস্য ভবন, ঢাকা;
- ৪) উপপ্রধান (আইসিটি), মৎস্য অধিদপ্তর, মৎস্য ভবন, ঢাকা;
- ৫) সহকারী পরিচালক (আইসিটি), মৎস্য অধিদপ্তর, মৎস্য ভবন, ঢাকা;
- ৬) সহকারী পরিচালক (অর্থ), মৎস্য অধিদপ্তর, মৎস্য ভবন, ঢাকা;
- ৬) সহকারী পরিচালক (পরিকল্পনা), মৎস্য অধিদপ্তর, মৎস্য ভবন, ঢাকা;
- ৭) সহকারী পরিচালক (বাস্তবায়ন), মৎস্য অধিদপ্তর, মৎস্য ভবন, ঢাকা;
- ৮) প্রধান মৎস্য সম্প্রসারণ কর্মকর্তা, মৎস্য অধিদপ্তর, মৎস্য ভবন, ঢাকা;
- ৯) গবেষণা কর্মকর্তা (পরিকল্পনা), মৎস্য অধিদপ্তর, মৎস্য ভবন, ঢাকা;
- ১০) দপ্তর নথি।


২৭/০৩/১৯
মোঃ বদিউল আলম সুফল
উপজেলা মৎস্য কর্মকর্তা (রিজার্ভ) ও
সদস্য সচিব